



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XXXVIII. Quædam Statuta Congreg. Reform. S. Antonii Viennen.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

& per omnia plenissime suffragari, & ab eis respective inviolabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, nec non Provinciarum, & Ordinis hujusmodi, etiam Juramento, Confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes illis alias in suo robore permanens ad præmissorum effectum hac vice dumtaxat specialiter, & expresse derogamus cæterisque contrariis quibuscumque.

Datum Romæ apud S. Petrum sub annulo Piscatoris die XXI. Martii MDCCIII. Pontificatus nostri anno Tertio.

§. 2. Decernentes easdem præsentibus Literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore spectabit, inviolabiliter observari; sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac quatenus opus sit Nostra, & Cancellariæ Apostolicæ regula de jure quæsito non tollendo, aliisque Constitutionibus, & Ordinationibus Apostolicis, nec non Ordinis, & Conventuum prædictorum, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 4. Volumus autem, ut earundem præsentium literarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides ubique locorum tam in judicio, quam extra illud habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Petrum sub Annulo Piscatoris die X. Maji MDCCIII. Pontificatus nostri anno Tertio.

XXXVII.

Revocantur Conventualitates perpetuæ a Prioribus Generalibus Ord. S. Joan. Dei concessæ.

Inn. XII. Const. ed. 1693., Maii 20. P. 2. donati fuere dd. Fratres exemptione a Processionibus. Et Bened. XIII. Const. ed. 1727. Jan. 10. P. 3. abolentur eorum privilegia personalia.

Dat. 10. Maji 1703. An. 3.

CLEMENS PAPA XI.

Ad perpetuam rei memoriam.

Tres species Conventualitatum, & rationes eas revocandi.

CUM sicut dilectus filius modernus Prior, sive Superior Generalis Ordinis Fratrum Sancti Joannis Dei Nobis exponi fecit, nonnulli Fratres dicti Ordinis Conventualitates perpetuas in particularibus ejusdem Ordinis Conventibus consecuti fuerint, quorum undecim ab hujus Sanctæ Sedis Nunciis, duo a Congregatione infrascriptorum Cardinalium, & reliquæ octo a diversis Prioribus, sive Superioribus Generalibus dicti Ordinis illas obtinuerunt; Conventualitates vero hujusmodi in ministeriis Hospitalibus præstandi præjudicium vergant, & voto obedientiæ, cujus suave jugum dicti Fratres portare detrectant, directe advenentur, ideoque Diffinitorium generale Ordinis prædicti ordinaverit, & Nobis preces pro obtinenda dictarum Conventualitatum abolitione, & revocatione porrigerentur; Nobis propterea dictus Prior, & Superior Generalis humiliter supplicari fecit, ut in præmissis opportune providere de benignitate Apostolica dignaremur.

Preces Superioris Gen., & Diffinitorii.

§. 1. Nos igitur ipsius Prioris, sive Superioris Generalis votis hac in re, quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes hujusmodi supplicationibus inclinati, de Venerabilium Fratrum nostrorum S. R. Ecclesiæ Cardinalium negotiis, & consultationibus Episcoporum, & Regularium præpositorum consilio, attentis narratis prædictas Conventualitates perpetuas a memoratis Prioribus sive Superioribus generalibus dumtaxat concessas, auctoritate Apostolica tenore præsentium revocamus, & abolemus.

Revocatio Conventualitatum a Prioribus dumtaxat concessarum.

Confirmantur quædam Statuta Congregationis Reformatæ Ord. S. Antonii Viennæ.

XXXVIII.

Ab Inn. XI. Const. ed. 1678. Feb. 25. P. 2. concessa fuit Indulgentia in festis S. Antonii, Augustini, Monica.

Dat. 12. Maji 1703. An. 3.

CLEMENS PAPA XI.

Ad perpetuam rei memoriam.

Militantem Ecclesiæ Regimini per abundantiam Divinæ bonitatis, nullo licet meritum Nostrorum suffragio præpositi illa, quæ pro felici prosperoque Religiosorum Ordinum in Ecclesia Dei pie, sancteque institutorum, ac uberes bonorum operum fructus, adspirante superni favoris auxilio proferre jugiter satagentium gubernio, & progressu provide sapienterque constituta, & ordinata esse noscuntur, ut firma semper, atque inviolata persistant, Apostolici muniminis præsidio libenter constabilimus.

Exordium.

§. 1. Exponi siquidem Nobis nuper fecit dilectus Filius Petrus Lovat Procurator Generalis Ordinis Sancti Antonii Viennæ sub Regula Sancti Augustini Canonicorum Regularium tam suo, quam etiam dilectorum filiorum Joannis Danghor Abbatis Superioris generalis, & Diffinitorium dicti Ordinis nominibus, quod Capitulum Generale ejusdem Ordinis, quod novissime, videlicet mense Septembri proxime præterito apud illius Monasterium Abbatiale celebratum fuit, enixe desiderans occurrere malis, quæ Congregatio reformata Ordinis hujusmodi perpessa est, pro felici dictæ Congregationis regimine, & directione, ac germano ejusdem Statutorum sensu, ut inde omnis in posterum controversiæ materies abscederetur, sanctiusque Al-

Causæ in quantum Statutorum Capituli Gener. Mensis Septembris an. 1702.

1703.

1703.

Statuta.

tissimo obsequium in ea exhiberetur, edidit nonnulla Decreta tenoris qui sequitur, videlicet: Cum Constitutionem Congregationis nostræ reformatæ circa Jurisdictionem Capituli Generalis, Abbatialem potestatem, & facultates Diffinitorii, expositiones variæ multis jam ab annis dissidii seminarium fuerint, ut quæstiones in posterum omnes, & controversiæ materias penitus abscondatur, possitque debitum Deo obsequium nostrum in Ordine concordibus animis sanctius exhiberi; Capitulum Generale pro suprema, & omnimoda qua pollet auctoritate hac sua, & semper observanda functione super prædictis statuit, pronuntiat, & definit, ut sequitur.

I.

Cum Ordinis nostri omnimoda, & suprema Jurisdictio sit penes Capitulum Generale, si illius Decreta Reverendissimus Abbas, dato publico Rescripto, damnare palam, & rescindere, atque eadem etiam exequenda esse auctoritate propria demandare præsumpserit, nec destiterit reverenter admonitus, Ordinemque hac de causa conturbaverit Recessus ab Institutis Congregationis nostræ reformatæ, reus ipso facto censeatur, & a Capitulo Generali, vel proxime futuro, vel confestim, si rei pravitas, & necessitas Ordinis id postulent per Diffinitores, contradicentes etiam Reverendissimo Abbate extra tempus convocando, de plano, & sine strepitu Judicii præmissorum convictus deponi possit; salvis tamen legitimis appellationibus, sine quarum præjudicio Decreta hujusmodi, donec aliter sancitum fuerit, servabuntur.

II.

Ne dissidiis, atque litibus extra Religionem transmissis Congregatio nostra reformatæ turbetur; Capitulum Generale vult, statuit, & præcipit quod gravi aliqua dissensione inter Superiorem Generalem, ac Diffinitores omnes, aut eorum majorem numerum exorta super causis quibuscumque omnino dubiis, atque alias per Constitutionem Ordinis, sive per Capitulum Generalium Decreta nunquam declaratis, Diffinitorium, aut major pars illius Priorem Clausuralem, Visitatorem utrumque, aut alterum ex ipsis, si tamen intra tres dietas adfuit Superiores Domorum nostrarum Camberii, Lugduni, Viennæ, Pontis in Royanis, & Sancti Marcellini, ac Magistrum Novitorum Abbatia Decretis peculiari apud Monasterium Sancti Antonii ad præstitutam diem convocare teneantur, ut cum Reverendissimo Abbate, ac Diffinitoribus sub excommunicationis pena, nisi legitime impediti fuerint, simul conveniant, & quod a majori præsentium parte, absentes enim expectare non debent, constitutum fuerit usque ad Generale Capitulum proxime subsequens omnino servabitur.

Si vero inter Reverendissimum Abbatem, & Diffinitores concordia nec sic firmari possit, ad Sedem Apostolicam causa deferatur, quæ si urgens, ac gravis adeo sit, ut dilationem pati non valeat, a Reverendissimo Abbate, & Diffinitoribus simul, vel si quis eorum renuat ab aliis omnibus convocatum extra assuetum tempus Capitulum rite celebrabitur, & discordiæ modum imponet.

Si autem, quod absit, Reverendissimus Abbas gravissimi alicujus excessus, depositionis pena juxta Constitutiones nostras puniendi a Promotore Generali Ordinis reus ageretur, Inquisitio, seu informatio ad Diffinitorium auctoritate ipsi delegata Præsidente, qui inter Diffinitores ordine primus erit; Judicium vero ad Capitulum Generale citra assuetum tempus per Diffinitores, si ita eis videbitur, etiam convocandum, pertinebit.

Demum, si inter Superiorem Generalem, ac Diffinitores causa oboriatur hujusmodi, quæ ex-

tra Religionem agitari necessario debeat, Diffinitores ex seipsis alterum, seu ex fratribus alios quosdam mittere extra Monasterium, ac etiam Procuratores suos constituere valebunt, atque expensæ ex Arario communi defumentur.

III.

Acta Capituli Generalis cujusque, juxta approbatum Congregationis nostræ usum in Aula Capitulari promulgata ante illius absolutionem Reverendissimi Abbatis, aut ejus Vicarii, & Secretarii Chirographis, atque etiam ejusdem Capituli Generalis sigillo firmabuntur; quod si Præses subscribere abnuat facta denegati ab ipso Chirographi mentione, vocales Capituli septem dignitate potiores, aut certe consequentes alii, si ex primis aliquis id etiam recuset confessus Generalis nomine subscribant, Patentibus autem, & obediencialibus Literis, Præses, aut ejus obventis loco, qui officio primus erit cum Secretario Syngraphum apponet; transumpta vero, seu extracta Secretarii solius Chirographo manientur.

IV.

Statutis Congregationis nostræ reformatæ, ac illius receptissimæ praxi inherentes Generalis confessus Patres decernunt Diffinitorium in Capitulum Interfuitis Generalis Capituli vices gerere, ac proinde verbum illud de consilio pagina 227. appositum in Statutis omnino significare consensum, quem sapit ex vi verborum tam antecedentium, quam consequentium; unde consilium illud Diffinitorum plene decisivum esse pronuntiant, itaut in omnibus Diffinitorii actibus exercentibus Abbas Superior Generalis Diffinitores omnes, qui ultra dictam non absunt, neque sunt legitime impediti vocare, omnium, aut duorum saltem ex ipsis, si alii absint, votum exquirere, & majoris numeri expectare, ac sequi suffragia, & assensum teneatur, sub pena nullitatis eorum omnium, quæ secus agendo præscripta, & sancita fuerint.

V.

Inter actus Diffinitorii proprios, qui ad Religionis nostræ administrationem potissime pertinent, quosque ideo Superior Generalis non nisi de consilio, & assensu Diffinitorum expedire, ac terminare potest, Capitulum Generale recenset, videlicet electiones omnes, quæ a Diffinitorio per secreta suffragia celebrandæ occurrunt.

Superiorum, & aliorum Commissiones, Postulantium ad habitum, & Novitorum ad emitenda vota admissionem; Religiosorum de Domino in Domum justa ex causa translationes; erectiones novarum Domorum, & Novitiatuum Ararii Communis administrationem, & custodiam; fulminationem Excommunicationis solemnem; penarum gravissimarum, scilicet depositionis, suspensionis, incarcerationis, vocis actiæ, & passivæ privationis, & aliarum importantium infamiam ac juris ordinem requirentium, impositionem, ac demum actus illos omnes, qui sive in Libro Constitutionum, sive per Capitulum Generalium decreta Diffinitorio reservantur.

VI.

Cum ea omnia, quæ ad Religionis, aut cujuslibet Domus particularis gubernationem, præsertim in rebus gravioribus spectant, Abbas Superior Generalis ex vi Statutorum terminare, ac definire non possit, nisi de consilio decisivo, ac consensu Diffinitorum; idcirco nominationes Procuratorum Domus particularis cujuslibet Abbatialis, S. Antonii Monasterio excepto, cujus Procurator a Conventuali Capitulo approbari debet, & institui, & destitui; Seminariorum Institutiones, ac designationes Lectorum, utpote difficiles, & arduæ, ac Religionis totius administrationem, & commodum in re gravissima

De Actis Capituli Generalis subscribendis, atque firmandis.

De auctoritate Diffinitorii in Capitulum Interfuitis.

De muneribus ex actibus propriis Diffinitorii.

De regimine Ordinis, & cujuslibet domus particularis.

De firmitate Decretorum Capituli Gen.

De modo dirimendi controversias inter Superiorem Gen., & Diffinitores, vel Promotorem Ordinis.

attingentes a Reverendissimo quidem Abbate, sed Diffinitorum tantum, aut duorum ex ipsis consilio, & assensu fieri debebunt, & terminari.

VII.

De locatq. frequenti convocatio- ne Diffinito- rii.

Apud Monasterium S. Antonii Diffinitorium residebit perpetuo, ac ne res Ordinis, ac Domorum ipsius præ nimia cunctatione damnnum aliquod patiantur, hebdomadis singulis Diffinitorium semel saltem convocabitur a Reverendissimo Abbate, aut ejus Generali Vicario die, & hora, quibus ipsis magis videbitur expedire, & toties quoties propter urgens negotium aliquod Diffinitores convocacionem hujusmodi exquisierint; quod si Reverendissimus Abbas sive Vicarius ipsius per hebdomadas singulas Diffinitorium vocare negligant, aut requisiti recusent, Sabbato qualibet hora quarta pomeridiana in loco ad id constituto absque interpellatione alia; dies enim, & hora interpellant, ab illo, qui inter Diffinitores ordine primus aderit, habebitur, & quæ in illo decreta fuerint omnino dabuntur effectui.

VIII.

De Secreta- rio Diffinito- rii.

Diffinitorii Secretarius, qui inter Diffiniores semper assumetur, designatus a Reverendissimo in Congregatione Diffinitorii, post cuiusque Capituli Generalis celebrationem, prima, & a Collegiis admissis Consultationes, ac deliberata scribet in libro, seu in Registro, quod custodire semper, neque illud inconsulto Diffinitorio dimittere, ac generali Capitulo pro tempore exhibere tenebitur. Sigillum vero sive majus, sive minus apud Diffinitorum alterum parimodo selectum, & approbatum similiter custodietur.

IX.

De actis Diffinitorii scribendis.

Acta Diffinitorii scribantur in Registro tam a Præsede Diffinitorii, quam a duobus Diffinitoribus, quorum alter ipse Secretarius erit; Commissiones vero, Patentes Literæ, & facultates, quæ mittuntur in Domo a Præsede, & Secretario tantum; transumpta autem, sive extracta Secretarii foliis Chirographo firmabuntur.

X.

De Vicario Gen., aliis. que Vicariis.

Abbas Superior Generalis aliquem ex Fratribus nostris ætate, moribus, scientia, & rerum usu probatum in Vicarium Generalem sibi constituet, qui ejus absentis, aut impediti vicem in Diffinitorio, seu Capitulo Generali obire possit, quique idcirco in Monasterio Abbatiali semper residere debeat, Patentes literas cum clausulis restrictivis, quantum ad actus Diffinitorii, Superior Generalis ipsi tribuere non possit: quod si Vicarium Generalem Reverendissimus Abbas creare differat, Vicarii ipsius partes, & munus Prior ipse Clausuralis tam in Capitulo Generali, quam in Diffinitorio, ubi opus erit, interim supplebit.

Cæterum Vicariis omnibus in Domibus aliis a Reverendiss. Abbate, aut jam constitutis, aut constituendis in posterum, nullam omnino Jurisdictionem competere in Congregatione nostra reformatâ, sed in Domibus, atque erga personas Ordinis antiquæ Reformationis tantum pro Reverendiss. Abbatibus Juribus vendicandis, tuendis.

XI.

De electione Superiorum, & Vicariorum.

Capitulum Generale inhærens Bullis Summorum Pontificum Gregorii XV., & Urb. VIII. pro reformatione Ordinis nostri editis, Statutis Congregationis nostræ reformatæ a Sancta Sede anno 1634. approbatis Decretis Capitulorum Generalium annis 1630. 1634. 1636. 1645. 1676. sancitis, & promulgatis nulla habita ratione declarationum a Capitulis Generalibus annis 1648. Sess. 6., 1651. Sess. 5., & 1679. Sess. 3. super Superiorum, aut Vicariorum nominatione simpliciter editarum, quas tamquam hic expressas præfens Capitulum, utpote Pontificiis Bullis

adversantes, & Constitutionibus, ac Institutis Congregationis nostræ reformatæ contrarias, & noxias antiquat, & rescindit, Religiosos omnes veri Superioris Officio fungentes in Domibus Congregationis nostræ reformatæ, ubi fratres Clerici quatuor a Superiore cohabitant, quocumque nomine appellentur, etiam Domorum Urbis, & Florentiæ Vicarios a Capitulo Generali per secreta suffragia in posterum eligendos esse, & illos tantum, qui sic electi fuerint, in Comitibus Generalibus cum vocis activæ suffragio admitti posse, statuit, pronuntiat, & definit exceptis Vicariis Domorum Renuessii, & Taurini, qui a Capitulo Conventuali Monasterii Abbatialis per secreta suffragia pro more confensus generalis tempore electi confirmationis beneficium ab ipso Generali Capitulo sub nullitatis pœna obtinere tenebuntur; firma tamen & stabili permanente Domorum Capituli Ordinis annexorum unione, cui per supradictum Decretum Capitulum Generale nullum præjudicium inferre intendit, servatæ etiam antiquo Superiorum, & Vicariorum Ordine, qui eundem gradum, idemque nomen obtinebunt.

XII.

Nullus Superior etiam Reverendiss. Abbas Generalis Postulantes ad habitum, & Novitios ad professionem admittere præsumat, nisi præmissis informationibus legitimis, ac examine prævio de eorum vita, moribus, scientia, & qualitatibus in Diffinitorio discussis, & approbatis, secundum Constitutiones fel. rec. Sixti V. & Clementis VIII., ac Decreta Capituli Generalis anni 1630. Sess. 15. 16. & 17. edita sub pœna suspensionis ab officio, & aliis in eadem Constitutione Clementis VIII. expressis; præstaturque a Capitulo Generali statutus, & constans Novitiorum numerus, qui triennio quolibet juxta Domorum redditus in Congregationem admitti possit, neque hunc numerum adaugere, & transgredi liceat.

Facta prædictorum Decretorum in Capitulo generali promulgatione expressa RR. PP. vocales omnes, & singuli ad perpetuam eorum observantiam quantum ad se pertinebit jurejurando solemniter manus ad pectus appositis sese adstrinxerunt, volueruntque insuper ut Reverendiss. Abbas mox eligendus, ejusque Successores Officio suo defungi non possint, nisi prius decreta hujusmodi omnia, & singula in integrum a se sancte, & religiose observanda fore simili juramento coram omnibus confirmaverint, & tam Reverendissimus Abbas Superior Generalis, quam Diffinitores, ac specialiter Procurator Generalis Ordinis in Curia præmissorum omnium confirmationem a Summo Pontifice per Breve Apostolicum quamprimum, & infra sex Menses si possint obtinere curabunt, ut præfati articuli omnes Constitutionis apud nos perpetuè vim, & auctoritatem habere, ac in posterum inviolate observari possint, & valeant. Actum apud Monasterium Sancti Antonii Viennensis in Capitulo Generali Sessione quarta die vero mensis 4. Septembris anno post Christum natum millesimo septingentesimo secundo. In quorum fidem vocales omnes hic subscripserunt, & sigillo Capituli Gen. muniti jusserunt.

- Frater Jo. Dufresne Prior Clausuralis.
- Fr. Gaspard Fayard Diffinitor.
- Fr. Claud. Barracan Diffinitor.
- Fr. Franciscus Maffeis Diffinitor.
- Fr. Hieronymus Fajard Visitator.
- Fr. Pignier Visitator.
- Fr. M. Hefeler Procurator Gen.
- Fr. Antonius Foryet Superior Paris.
- Fr. Delamare Superior Cambreij.
- Fr. Fouton Superior Pontis Moussonis.
- Fr. Petrus Dumont Superior Aremoniar.
- Fr. Antonius Fayard Superior Mai-Landæ.

De Novitiis.

Relata Secreta confirmata fuisse a Capitulo, & confirmanda erunt ab omni Superiore Gen., nec non a S. Sede.

Nomina eorum, qui Capituli Generalis actis subscripserunt.

Fr. Matthæus David Superior Isnheimensis.
Fr. Petrus Barbe Superior Montisferrandi.
Fr. Antonius Fournet Superior Alba-terræ.
Fr. Francisc. Guillaud Superior Masseliæ.
Fr. De Daille Superior Domus Trecentis.
Fr. Henricus la Forest Superior Barroducti.
Fr. Franciscus Roux Superior Lugduni.
Fr. Balthassar de Falcoz Superior Rothomagi.
Fr. Bonnier Superior Rhemensis.
Fr. Jacobus Dufaur Superior Pontis aurati.
Fr. Marcus Antonius Villaris Superior Mentensis.
Fr. Gaspar Combes Superior Cabilonenensis.
Fr. H. de Tarrifan Superior Viennensis.
Fr. Antonius Fruchet Superior Pontis Inroyanis.
Fr. Gaspar Gautier Superior Argentorati.
Fr. Edmundus Superior trium Spicatum.
Fr. Jacobus Descamp Vicarius Urb.
Fr. Alexander Patu Vicarius Florentiæ.
Fr. Joannes Baptista Arthaud Vicarius Renuerfi.
Fr. Jacobus Grata Taurini Vicarius.
Fr. Jacobus Ballet Discretus Abbatæ, & Magister Novitiarum.
Fr. Alexander Dufresne Parisiorum Discretus.
Fr. Guillelmus Autin Discretus Rothomagensis.
Fr. Antonius Mus Discretus Lugduni.
Fr. Petrus Lonat Discretus Cambreji.
Fr. Raymundus Fayard Discretus Massiliæ.
Fr. Antonius Joseph Luchaspe Discretus Pontis Moussonis.
Fr. Franciscus le Reune Discretus Urbis.
Fr. Claudius Franciscus Jolis Pontis aurati Discretus.
Fr. Gregorius de Vitrolle Florentiæ.
Fr. Jo. Robin Discretus Treccarum.
Fr. Paulus Autin Secretarius, & Diffinitor.

Quibus perlectis in præsentia R. Ad. Patris Joannis Danthon Abbatis Superioris Generalis electi, & coram utroque Capitulo Generali Ordinis, & Conventuali hujus Monasterii hos omnes articulos, & singulos eorum, præfatus Ad. Pater Joannes Danthon electus Abbas laudavit, approbavit, & jure jurando illos se esse observaturum promisit, manibus ad pectus apposis die 7. Mensis Septembris post meridiem Anno millesimo septingentesimo secundo in Aula Capitulari apud S. Antonium Viennensem. In quorum fidem &c. - Fr. Joannes Danthon Abbas Superior Generalis - De mandato præfati Superioris Generalis - Fr. Paulus Autin Diffinitor Secretarius.

§. 1. Cum autem, sicut eadem expositio subjungebat, Capitulum Generale prædictum, quo Decreta hujusmodi vim Statuti irrevocabilis habeant, eisdem Petro Procuratori Generali, ac Joanni Abbati Generali, & Diffinitoribus juxta tenorem quarumdam literarum felic. rec. Gregor. XV., & Urbani VIII. Romanorum Pontificum Prædecessorum nostrorum circa reformationem prædictæ Congregationis emanatarum dederit in mandatis, quatenus infra sex menses inde proximos prædictorum Decretorum a Sede Apostolica confirmationem & approbationem obtinere curarent, ac prout dictus Petrus Procurator Generalis nominibus prædictis Decreta hujusmodi pro firmiori illorum subsistentia, exactiorique observatione Apostolicæ confirmationis nostræ patrocini communiti summopere desiderent: Nos speciale prædictis Petro Procuratori Generali, & Joanni Abbati Generali, & Diffinitoribus gratiam facere volentes, & eorum singulares

personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum haurum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, de nonnullorum Venerabilium Fratrum Nostrorum Sanctæ R. E. Cardinalium super hoc negotio a Nobis specialiter deputatorum consilio, Decreta præinserta in memorato Capitulo Generali edita, ut præfertur, auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui desuper intervenerint supplementum.

§. 2. Decernentes easdem præsentis Literas, & Decreta præinserta semper firma, valida, & efficacia existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit plenissime suffragari, & ab eis respective inviolabiliter observari: Sicque in præmissis per quoscumque Judices ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Congregationis, & Ordinis prædictorum, etiam juramento, confirmatione Apostolica, vel quavis firmitate alia roboratis Statutis, & Consuetudinibus: Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & ad verbum insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 4. Volumus insuper, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Petrum sub Annulo Piscatoris die XII. Maji MDCCIII. Pontificatus Nostri Anno Tertio.

Conceditur facultas applicandi quasdam Indulgentias Defunctis per modum suffragii Confraternitati Conceptionis Beatæ Mariæ Virg. in Ecclesiis Fratrum de Mercede Civit. Mexicanæ.

Ab Alex. VIII. Const. ed. 1690. Apr. 15. P. 1. concessa fuit Indulg. Stationum in perpetuum Confraternitatibus B. M. de Mercede. Et ab hoc Pontifice Const. ed. 1717. Aug. 4. P. 17. conceditur Indulgentia in festo S. Raymundi pro Ecclesiis Fratrum de Mercede.

CLEMENS PAPA XI.

Ad perpetuam rei memoriam.

CUM sicut dilecti filii Officiales, & Confratres Confraternitatis sub titulo, seu in-

Confirmatio
relatorum
Decretorum.

Clausula.

XXXIX.

Dat. 23. Junii
1703. An. 3.

Auctoritate
Apost. quædam

Proces Ab-
batis Procu-
ratoris, &
Diffinitorum
Gen.

Ipsorum præ-
sentibus Ponti-
fex benigne
annuit.